

MASTER NEGATIVE
NO. 93-81451-6

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

TURK, GUSTAV

TITLE:

DE HYLA, PARS I

PLACE:

VRATISLAVIAE

DATE:

1894

Master Negative #

93-81457-6

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET


Original Material as Filmed - Existing Bibliographic Record

RKB/SAVE Books FUL/BIB NYCG92-B39808 Acquisitions NYCG-PT
Record 1 of 0 - SAVE record
+
ID:NYCG92-B39808 RTYP:a ST:s FRN: MS: EL: AD:07-21-92
CC:9668 BLT:am DCF:? CSC:? MOD: SNR: ATC: UD:07-21-92
CP:cs L:lat INT:? GPC:? BIO:? FIC:? CON:???
PC:s PD:1894/ REP:? CPI:? FSI:? ILC:???? II:?
MMD: OR: POL: DM: RR: COL: EML: GEN: BSE:
040 NNC=lcNNC
100 1 Turk, Gustav,=ld1870-
245 10 De Hyla, pars I=1h[microform]. =1bDissertatio inauguralis philologica q
ua
m...=lcGustavus Turk.
260 Vratislaviae,=1bApud Guilelmum Koebner (M. et H. Marcus),=lc1894.
300 34 p.
LDG ORIG
QD 07-21-92

Restrictions on Use

TECHNICAL MICROFORM DATA


FILM SIZE: 35mm REDUCTION RATIO: 11X
IMAGE PLACEMENT: IA (IIA) IB IIB
DATE FILMED: 6/2/93 INITIALS BE
FILMED BY: RESEARCH PUBLICATIONS, INC WOODBRIDGE, CT



AIIM

Association for Information and Image Management



1100 Wayne Avenue, Suite 1100
Silver Spring, Maryland 20910
301/587-8202



Centimeter



Inches



MANUFACTURED TO AIIM STANDARDS
BY APPLIED IMAGE, INC.



no. 6

885
282

DE HYLA

PARS I

DISSERTATIO INAUGURALIS PHILOLOGICA

QUAM SCRIPSIT ET AMPLISSIMI PHILOSOPHORUM ORDINIS CONSENSU ET AUCTORITATE AD SUMMOS IN PHILOSOPHIA HONORES IN UNIVERSITATE LITTERARUM VIADRINA RITE IMPETRANDOS DIE VI. M. AUGUSTI A. MDCCCXCIV HORA X. IN AULA LEOPOLDINA.

PUBLICICE DEFENDET

GUSTAVUS TÜRK
SILESIUS

1870-

ADVERSARIJ ERUNT

GEORGIUS KERBER, DRD. PHIL.
HUGO JÜTTNER, CAND. PHIL.

VRATISLAVIAE

APUD GUILIELMUM KOEBNER (M. et H. MARCUS)
MDCCCXCIV

6

RICHARDO FOERSTER

S.

De Hyla quamquam satis multi viri docti occasione data paucis egerunt, tamen nemo adhuc continuam rei memoriam ita recoluit, ut varias quae de illo apud Graecos Romanosque ferebantur fabulas enumeraret et ad suos, quoad fieri posset, fontes redigeret. Hoc igitur munere suscepto putavi me ad historiam fabularum Graecarum et Romanarum posse quantulumcunque partem conferre.

A.

De memoria litteris servata.

I. De Hylae sacris et origine.

In Bithyniae urbe Cio, quae ad Propontidis oram sita erat et sub Bithyniae regibus Prusias („ad mare“) vocabatur, antiquitus dies quidam festus quotannis agebatur, quem Strabo XII 4, 3 p. 564 C. paucis describit : . . . καὶ νῦν δ' ἐτι ἐορτὴ τις ἄγεται παρὰ τοῖς Προσιεῦσιν καὶ ὀφειβασία θιασενόντων καὶ καλούντων Ὑλαν, ὡς ἂν κατὰ ζήτησιν τὴν ἐκείνου πεποιημένων τὴν ἐπὶ τὰς ὕλας ἔξοδον. Comperimus igitur civium Cianorum multitudinem in montes silvasque sollemniter processisse Hylamque vocasse, tamquam eum quaerent. Nomen montis accipimus ex iis quae paulo supra idem Strabo dicit : ὑπέρκειται δὲ τῆς Προσιάδος ὄρος, ὃ καλοῦσιν Ἀργανθώνιον. In hunc montem sine dubio procedebant. In hoc enim Hylas raptus esse dicebatur, id quod Strabo sic narrat : ἐνταῦθα δὲ μνθεύουσι τὸν Ὑλαν, ἕνα τῶν Ἡρακλέους ἐταίρων, συμπλεύσαντα ἐπὶ τῆς Ἀργεὺς ἀντιῶ, ἐξιόντα δὲ ἐπὶ ὕδρειαν ὑπὸ νυμφῶν ἀρπαγῆναι. Itaque apud Mysos — nam hi sunt harum regionum incolae inde ab antiquis temporibus -- vetus Hylae cultus fuit maximeque ad montem

Arganthonium pertinuit. Quod apud Strabonem legimus ἐπὶ τὰς ὕλας ἔξοδον, veriloquii causa additum esse patet. Cum his in universum concinunt quae tradit Servius in Verg. buc. VI 43¹⁾ postea cum esset cognitum, quod perisset in fonte, ei statuta sunt sacra, in quibus mos fuerat, ut eius nomen clamaretur in montibus . . . per transitum rem veram tetigit; tertio²⁾ enim ab ephēbo puero in monte comitantibus universis nomen eius clamabatur. Adulescens autem Hylam nomen clamabat, quia numen ipsum iuvenili florens aetate repraesentare videbatur³⁾. Alius caerimoniae, postquam Hylae fabulam narravit, mentionem facit Nicander in Ἐπειροποιμένων lib. II (frg. 48 Schneider = Antonin. Liberal. 26)⁴⁾. Verba haec sunt : . . . Ὑλὰ δὲ θύοντι ἄχρη νῦν παρὰ τὴν κρήνην οἱ ἐπιχώριοι, καὶ αὐτὸν ἐξ ὀνόματος εἰς τρεῖς ὁ ἱερεὺς φωνεῖ καὶ εἰς τρεῖς ἀμείβεται πρὸς αὐτὸν ἔχθρ. Etiam in his circa lacum factis caerimoniis non solum sacerdotem sed omnes qui aderant Hylam vocasse loco probatur Solini cap. 42, 2 . . . Prusiam urbem et adluit Hylas flumen et perspergit Hylas lacus, in quo resedisse credunt delicias Herculi, Hylam puerum, Nymphis rapinam : in cuius memoriam usque adhuc sollemni cursitatione lacum populus circumit et Hylam voce clamant. Lacus quem dicit vix alius esse potest atque lacus ille Ascanius prope Cium situs, ex quo fluvius effunditur urbem adluens, quem hic vocat Hylam. Parum tamen accurate res a Solino tractata est. Nam lacus ipse Cium urbem non perspergit.

Praeterea caerimonia vocandi in Hylae honorem celebrata nonnullis locis commemoratur:

Apollonius Rhodius, qui passim id agit, ut mores atque imprimis sacra Asiae earumque regionum, per quas Argonautae profecti sunt, ex illa expeditione repetat, postquam Hylae fatum

¹⁾ Alfredus Moeller (Quaestiones Servianae, Kiliae 1892) pleniorē qui dicitur Servium esse integriorē mihi persuasit.

²⁾ tertio = ter.

³⁾ Accedit quodammodo hic usus ad ea, de quibus disseruit Fridericus Back (de Graecorum caerimoniis in quibus homines deorum vice fungebantur, Berolini 1883).

⁴⁾ De Antonini Liberalis fontibus in codicis margine adscriptis cf. p. 31 cum adnot. 1.

fusius descripsit, unum versum (I 1354) de illo more sacro Cianorum addit :

τοῦνεκεν εἰσέτι νῦν περ Ὑλαν ἐρέουσι¹⁾ Κιανοί.

Neque aliter res describitur in Photii lexico s. v. Ὑλαν κρηναῖον : . . . καὶ νῦν δὲ Κιανὸς ἐστὶ ἀπομίμημα τῆς ζητήσεως ποιουμένων ἐορτάζειν τῷ ἥρωι. Quo loco vox ἥρωος docet rem Graeco sensu intellegi.

Cf. etiam Prov. Bodl. 888 . . . καὶ ἐτι δὲ φασὶ τοὺς Κιανὸς ὠρισμένην ἡμέραν καὶ ἔτος ἀνακαλεῖσθαι τὸν Ὑλαν.

Cii Hylam, ut deum indigenam, usque ad postremam aetatem multum valuisse etiam nummis sub imperio Alexandri Severi excusis probatur²⁾, in quibus figura adulescentis est urnam tenentis, ex qua aqua effluit; quem vix quisquam aliter appellet atque Hylam.

Quaeramus nunc, quae natura illius numinis fuerit. Quam ad rem perspicendam maximi momenti est, quod ad fontem quendam colebatur, quod apud Cianos Hylas idem significabat atque fons, siquidem Hesychio credere licet, qui glossam hanc habet : Ὑλὰς· κρήνας Κιανοί, denique quod secundum Plinium nat. hist. V 143 (et Solinum 42, 2 supra laudatum) fluvius illius regionis Hylas vocabatur³⁾.

Quae cum ita sint, puto Hylam pro eo deo habendum esse, qui hominibus aquam fontium fluviorumque ac fortasse cuiusque modi praebet, quem verisimile est ea potissimum anni aetate invocari, qua natura tamquam siti laborare atque languescere videatur. Sed fortasse verum illius dei nomen omnino ignoramus; nam si vox *hylas*, quam Graeci in sollemnitate illa Cianorum audiebant, ipsum fontem vel eius aquam significabat, res ita

¹⁾ Cf. schol. ἐρέουσιν· ἀντὶ τοῦ ἐρευνῶσιν, ζητοῦσιν. "Ὁμηρος, τὰς ἐρέων Ὀδυσῆι συνήντιο" καὶ „κρημὸς ἐξερέσει“.

²⁾ Mionnet, Descr. des médailles antiques V p. 253 n. 1480. Cf. n. 1482 et p. 255 n. 1492.

³⁾ Quamquam locus Plinianus haud ita dilucidus atque expeditus est; dicit enim . . . postea sinus in quo flumen Ascanium, oppidum Bryalium, amnes Hylas et Cios cum oppido eiusdem nominis etc. Cum vero Ascanius et Cios sine dubio eiusdem fluvii nomina sint — alterum ab lacu Ascanio, ex quo effluit, alterum ab urbe ei inditum — suspicor ne Hylam quidem Plinii aliter intellegendum esse. Nam ad Cium unum tantum flumen exstat, quod omnino nomine dignum videatur. Cf. Henr. Kiepert, Spezialkarte vom westlichen Kleinasien, Berlin 1890—92.

cogitari, si non debet, certe potest, ut Ciani id quod petebant, potius clamarent quam eius nomen, a quo petebant¹⁾.

Apud Hesychium locum Aeschyleum Pers. 1055 . . . κα-
πιβία τὸ Μύσιον s. v. ἐπιβία τὸ[v] M. sic invenis explicatum:
ὅταν θρηγῶσιν αἱ Μυσαί²⁾, τὸν Μύσιον τὸν Ὑλ[λ]αν³⁾ ἀνακα-
λοῦνται. Si revera Aeschylus de Hyla cogitavit, Mysi eum cum
lamentatione quadam coluerunt atque quaesiverunt. Sed res
dubia est.

Erant autem in iisdem proximisque Mysorum Phrygumque
regionibus alii cultus agrestes, qui Graecis, cum in illas immi-
grarent, Hylae similes videbantur quique a nonnullis viris doctis
cum illo ita coniuncti sunt, ut quod revera de uno tantum
veteres tradunt, ad omnes communiter pertinere putarent. Sic
exstitit imago adulescentis illius mature mortui, qui sub diver-
sis nominibus ab Asiae incolis itemque a Graecis deploratur.⁴⁾
Significat autem adulescens ille flores herbasque aestivo calore
marcescentes ac tamquam emorientes. Libenter concedo talem
religionem apud gentes Asiaticas in usu fuisse, sed in singulis
nominibus ac numinibus ei attribuendis cautius agendum est.
Velut, si quid video, certe non in hoc numero habendi sunt Hylas
et Hyacinthus, cuius quidem origo ex vetustissimo Amyclaeorum
cultu derivanda atque explicanda est. De semiticis et Aegyptiis
deis taceo: cum Hyla eos tantum conferam, qui apud Marian-
dynos et Phryges colebantur, Bormum et Lityrsem. Illae enim
gentes Mysis non solum regione sed etiam origine affines sunt,

¹⁾ Si res ita se habet, vox *Hylas* comparanda est cum illo *ai lemu*, ex
quo nomen *Linus*, et *maa-n-chru*, ex quo *Maneros* fingeatur. Cf. *Brugsch*
Die Adonisklage u. d. Linoslied, 1852; *Religion d. Aegypter* p. 13.

²⁾ Nolo cum Schowio (*Hesychii lexicon ex codice ms. bibliothecae D. Marci*
restitutum . . . sive supplementa ad editionem Hesychii Albertinam auctore
N. Schow, Lips. 1792 p. 285 n. 2) lectionem codicis *αἱ Μυσαί* corrigere in
οἱ Μυσοί, quamquam coniectura recta observatione continetur. Nam non est,
cur querellam ad solas feminas pertinuisse credamus.

³⁾ De nominis forma cf. adnot. ad cap. VI.

⁴⁾ Nec desunt qui etiam Aegyptios asciscant. Cf. *O. Müller Dorier I*
346 ss.; *Welcker Kl. Schr. I* 8 ss.; *Preller Demeter u. Persephone* p.
254—261; *Hartung Relig. u. Myth. d. Griechen IV* p. 159; *r. Hahn Sag-*
wissensch. Studien p. 583; *Preller Griech. Myth. II* p. 328.

cum ad eandem arici generis partem eamque lingua non multum
ab Armeniis distantem pertineant.¹⁾

De Mariandynorum Bormo locis veterum diligenter collatis
egit Otto Kaemmel (*Herakleotika, Progr. gymn. Planen 1869*
p. 12—17). Scientia nostra de Bormo his locis nititur:

Aesch. Pers. 937 ss. πρόσθ' ὁρῶν σοι νόστιον τὰν
κακογράφον βοῶν,
κακομέλειον ἰὼν
Μαριανδυνοῦ θρηνητῆρος
πέμψω, πολὺ δακρυὸν ἰαχάν.

Nymphidis περὶ Ἡρακλείας lib. I (FHG III 13 apud Athe-
naeum XIV p. 619 f):

Ὅμοιος δὲ καὶ τῶν ῥῥῶν ἐνίας καιανοήσειεν ἂν τις, ὥς
ἐξεῖνοι κατὰ τινα ἐπιχορηζομένην παρ' αὐτοῖς συνήθειαν
ῥῥῶντες ἀνακαλοῦνται τινα τῶν ἀρχαίων προσαγορεύοντες
Βῶρμον. τοῦτον δὲ λέγουσιν υἱὸν γενέσθαι ἀνδρὸς ἐπι-
φρανοῦς καὶ πλουσίου, τῷ δὲ κάλλει καὶ τῇ κατὰ τὴν ἀκμὴν
ὥρᾳ πολὺν τῶν ἄλλων διενεργεῖν· ὃν ἐφειστώτα ἔργοις ἰδίοις
καὶ βουλόμενον τοῖς θεοῖς δοῦναι πλεῖν, βαδίζοντα ἐφ'
ὑδροῦ ἀφανισθῆναι. ἔχτειν οὖν αὐτὸν τοὺς ἀπὸ τῆς χώρας μετὰ
τινὸς μεμελῶδημένου θρήνου καὶ ἀνακλήσεως, ὃ καὶ νῦν ἔτι
πάντες χρῶμενοι διατελοῦσιν.

Apollon. Rhod. Argon. II 780 ss.

ἔνθα δ' ἐπὶ Πριόλαο κασιγνήτιο θανόντος
ἡμετέρου Μυσοῖσιν ὑπ' ἀνδράσιν, ὅντινα λαὸς
οἰκίστοισι ἐλέγοισιν ὁδύρεται ἐξέτι κείνου,
ἀθλέων (sc. Ἡρακλῆς) κτλ.

Domitii Callistrati

a) apud Apollonii Rhodii scholiastam II 780: ἰδίως τὸν
θρηγνόμενον Πριόλαον φησὶ τῶν ἄλλων Βῶρμον λεγόντων τὸν
Τιτίον υἱόν, ὃς Νύμφης καὶ Καλλίστρατος.

b) apud scholiastam Aeschyli Pers. 940: Καλλίστρατος ἐν
δευτέρῳ περὶ Ἡρακλείας Τιτυοῦ (l. Τιτίου) τρεῖς παῖδας εἶναι
φησιν, Πριόλαν καὶ Μαριανδυνὸν μόνον (l. Πριόλαν, Μαριαν-

¹⁾ Cf. *Lagarde Gesamm. Abhandl.* p. 291; *Fick die Indogermanen Eu-*
ropas p. 409 ss.; *Kaemmel Herakleotika* p. 38—45 (de Mariandynis).

δυνὸν καὶ Βῶριμον, ὃν¹⁾) κνηγειοῦντα ἀπολέσθαι, καὶ μέχρι νῦν Μαριανδυνὸς ἀκριβῆς θέρους θρηγεῖν αὐτόν. τὸν δὲ Μαριανδυνὸν αὐξῆσαι μάλιστα τὴν θρηγετικὴν ἀνλωδίαν καὶ διδάξαι Ὑαριν τὸν Μαρσίου πατέρα.

Ex hoc loco iam corrupto libavit

Eustathius ad Dionys. Perieg. 791: ἰστέον, ὅτι ἐπεχωρίαζον τοῖς Μαριανδυνοῖς θρήνων ἀνληταί, ὥς καὶ ἡ παροιμία δηλοῖ Μαριανδυνοῦ μεμαυμένη θρηγετικὸς. — Μυθεύεται δὲ παῖς Τιτίου ὁ Μαριανδυνός, ὃς τὴν ὀδυρτικὴν ἀνλωδίαν ἠξίωσε καὶ ἐδίδαξε (Ὑαριν) τὸν Μαρσίου τοῦ ἀνλητοῦ πατέρα, ἐξ οὗ καὶ Μαριανδυνοὶ αὐτοὶ ἐπιτήδειοι τοῖς θρηγετοῖς. οὗτος κνηγειοῦν, φασιν, ἀπώλειτο, καὶ οἱ Μαριανδυνοὶ ἐν ἀκριβῆς θέρους ἐθρήνον αὐτόν.

Poll. onomast. IV 54: βῶριμος δὲ Μαριανδυνῶν γεωργῶν ἄσμα, ὥς Αἰγυπτίων μανέρως καὶ λιγνέρας Φρυγῶν. . . . 55: . . . ὁ δὲ Βῶριμος ἦν Ἰόλλα (l. Πριόλλα)²⁾ καὶ Μαριανδυνοῦ ἀδελφός. Οὐπίου (l. Τιτίου)³⁾ βασιλέως παῖς ἐν θήρᾳ νέος ὥρα θέρους ἀποθανόν· τιμᾶται δὲ θρηγετοῖς περὶ τὴν γεωργίαν ἄσματι.

Hesych. s. v. Βῶριμον· θρηγετοῖς ἐπὶ νυμφόληπτου Μαριανδυνῶ.

Idem s. v. Μαριανδυνός θρηγετός· δαιμονίως γὰρ περὶ τοὺς θρήνους σπονδάζουσιν. ἄλλοι εἶδος τωθαστικῆς τὸν Μαριανδυνόν, ὥς λιγνέρας.

Idem s. v. Μαριανδυνίς· εἰρωνεύεις.

Quod Kaemmelius dicit nomina Βῶριμος, Βῶριμος, Μαριανδυνός, Πριόλλας ad unum eundemque hominem vel potius deum pertinere, vix quisquam obloquatur. Ac videtur satis facile explicari posse, quomodo varia nomina in fabulam venerint. Βῶριμος enim vel Βῶριμος carminis potius illius flebilis quam numinis nomen esse videtur. Μαριανδυνός est nomen gentile, quo significatur eum Mariandynorum deum esse.⁴⁾ Restat igitur

¹⁾ Dindorfius male Βῶριμον ante Πριόλλαν inseruit.

²⁾ Consentio cum C. Muellero FHG IV 354 et eo qui Kaemmelii commentationem recensuit (Philol. Anzeiger I 1869 p. 185) verba tradita corrupta esse.

³⁾ Welcker (Kl. Schr. I p. 11 n. 5) in Οὐπίου dispicere sibi visus est Ὑπίου, quod idem erat fluminis eius regionis nomen.

⁴⁾ Mariandynus in schol. Ap. Rh. II 780 secundum quosdam pater Titiae vocatur. Vides genealogiam vacillantem.

Πριόλλας; hoc videtur proprium nomen esse.¹⁾ Illum igitur Mariandynorum deum, quodcumque nomen habet, constat aestate carmine tibiisque defletum esse. Praeterea vereor, ne nihil de veteris illius religionis natura sciamus. Primum enim ex Hesychii illo: ἄλλοι εἶδος ὠδῆς τωθαστικῆς τὸν Μαριανδυνόν et altero loco: Μαριανδυνίς· εἰρωνεύεις non audeo quicquam de re nostra concludere, cum minime exploratum sit illum eundem esse Mariandynum, de quo nos agimus. Sane si ad cantum flebilem iocosus quidam ac ludibrii plenus agricolarum usus accedebat isque tantum valebat, ut etiam in proverbium abiret, nonne iure miramur ceteros rei testes de tota ritus dimidia parte tacere? Etiam in Bormi (ut rem vulgato nomine denotem) origine definienda Kaemmelius Graecorum testimoniis nimis confidere videtur. Putat enim apud Nymphidem veterem Mariandynorum ipsorum fabulam conservatam esse, qua in re nulla iusta causa illum ceteris auctoribus praefert. Itaque cum Bór-mus ab hoc in aquando periisse dicatur, concludit eum fuisse deum fluviorum fontiumque aestate evanescentium. Ad hanc sententiam fulciendam eo utitur, quod Callistratus (atque ex eo vel ex eodem fonte Eustathius) de Mariandyno carmina tristia tibiis egregie modulante tradit. Id enim iure fontium et fluviorum potissimum deo attribui, cum arundinis motae sonus tibiae similis sit. At mihi satis apertum videtur ex tibiis in Bormo deflendo usu fabulam de Mariandyno ipso tibiae exortam esse. Restat igitur, quod supra de aquando dictum est. Sed Nymphidis historiola non minus Graecorum fictionem redolet quam eorum narratiunculae, qui Bormum in venando pereuntem faciunt. Suspicionis maximam ansam dat, quod Nymphis agricolae Bormum quaerere (ζητεῖν αὐτόν τοὺς ἀπὸ τῆς χώρας) dicit. Id enim cum lamentatione illa, de qua omnes auctores consentiunt, coniungere difficile est. Nimirum si quis ut mortuus defletur, quis eum quaeret? Praeterea etiam vox ἀνακαλεῖσθαι apud unum Nymphidem invenitur. Tum accedit aquatio: ut brevis sim, narratio illa videtur ad exemplum eius fabulae, quae de Hyla ferebatur, conficta neque alio loco νυμφόληπτος Μαριανδυνός Hesychii habendus esse videtur.

¹⁾ Oppidum eiusdem nominis commemoratur in schol. Ap. Rh. II 780:

Quid igitur Bormus est? De hoc, nisi fallor, opinionem dudum prolatam tenere licet. Illo carmine revera natura exarscens defleri videtur. Cum Hyla vero praeter imitationem de qua dixi, ei nihil commune est.

Lityersem Phrygum, qui Celaenis habitasse dicebatur, Kaemmelius non secus ac Bormum pro aquae daemone habet, sed in hoc quoque ea fabulae parte nimium nisus est, quae minime vetusta indigenarum opinio putanda videtur. Contra recte Guilelmus Mannhardt *Mythologische Forschungen*¹⁾, *Strassburg 1884 p. 1—57* cognovit Lityersem pertinere ad usum quendam messorum Phrygiorum, quo de frugum genio interficiendo agatur. Vox *lityerses* primum nomen cantus fuisse videtur (cf. Pollux I 38; IV 54. Schol. Theocr. X 41. Athenaeus XIV 10 p. 619a. Hesych. et Photii lexicon s. v., quos locos Mannhardt p. 15 cum adnot. 1 recte censet ut ex eodem fonte ortos unius instar esse. Praeterea iam Menander, qui in Carchedonio sua versum habebat *Ἀιδονία Αἰνέροσιν ἀπ' ἀρίστον τέως* (cf. Photius et Suidas) vocem similiter usurpavit²⁾). A Graecis demum rem parum intelligentibus sicut Bormus etiam Lityerses heros factus esse videtur. Fabulae autem duae species ad nos pervenerunt. Altera invenitur apud Pollucem IV 54 : Lityerses quemlibet ad metendi certamen provocabat, quemque superaverat, verberabat; postremo autem ipse victus et interfectus est. Altera species ad Sosithei Alexandrini drama satyricum redit, quod inscriptum erat *Λάγρις ἢ Αἰνέροσος*. Fragmenta apud complures scriptores servata collecta sunt ab Augusto Nauck, *Tragic. Graecor. fragm. ed. II. p. 821—823*. Secundum hanc fabulam Lityerses, si quis peregrinus accedebat, eum invitabat, ut apud se deverteretur, cibum potumque largum ei praebebat; tum vero eum cogebat secum metere. In agro caput homini desecabat corpusque manipulo circumdabat. Tandem vero Hercules Lityersem necavit, corpus in Maeandrum abiecit. — Hunc rei finem

Ἡρώλας . . . ἀφ' οὗ καὶ ἡ πόλις. Cf. Nicander Alexipharm. 15 *ἄστυρα Ἡρώλας* et Steph. Byz. s. v. *Ἡρώλας*.

¹⁾ = *Quellen u. Forschungen zur Sprach- u. Culturgeschichte der germanischen Völker II*.

²⁾ Invenis fragmentum apud Meinekium *Comic. Graec. fragm. II 146*, apud Kockium *Comic. Attic. frgm. III 76*.

apparet ad priscam fabulam a Graecis posteriore tempore demum adsutum esse eo consilio, ne crudelitas Lityersae impunita esset. Quod cum ita sit, ne ex fluminis quidem mentione in hoc conexu rerum facta quicquam de Lityersae natura discendum esse puto, quod Kaemmelius videbatur (p. 24). Immo proficiscendum est a Lityersae mira illa crudelitate. Homines, quorum capita desecantur, imago frugum sunt, quae demetuntur, id quod eo apertius est, quod manipulis implicantur. Ea autem quam Pollux IV 54 habet narratione res aliquantum delenitur, cum Lityerses homines non interficiat, sed tantum verberet. Summa tamen rei eadem est : Lityersem mectorem esse advenisque vim afferre. Cantus Phrygum, qui ad hanc rem pertinebat, varie describitur. Est *θεριστικός ὕμνος* secundum Apollodorum, cuius in schol. Theocr. X 41¹⁾ haec verba afferuntur : *καθάπερ ἐν μὲν θοῦροις ἰάλεμος, ἐν δὲ ὕμνοις ὕμνος, ἀφ' οὗ καὶ τὰς ψάλας αὐτὰς καλοῦσιν, οὕτω καὶ τῶν θεριστῶν ὡδὴ Αἰνέροσος*. Accuratius carminis argumentum affertur in eodem scholio sine auctoris nomine : *ὅθεν καὶ νῦν οἱ θερισταὶ κατὰ Φρυγίαν ἄδουσιν αὐτὸν ἐγκομμάζοντες ὡς ἀρίστον θεριστήν*. Sed cum hac laude optimi messoris etiam querella quaedam de frugum tamquam necatarum fato coniuncta erat, si recte Pollux l. l. dicit : *ἔδειτο δὲ ὁ θοῦρος περὶ τὰς ἄλλας καὶ τὸ θέρος*. Alia etiam pars illius usus ex Hesychio cognoscitur, qui s. v. *Μαριανδρόν θοῦρος* haec habet : *... ἄλλου εἶδος ὡδῆς τῶθαστιζῆς τὸν Μαριανδρόν, ὡς Αἰνέροσος*. Itaque ad tristiore carminis partem accessisse videntur agricolarum quidam lusus, qui ex metendi laetitia facile intelleguntur.

Haec de Lityerse : vidimus nec de hoc nec de Hyla aut Bormo multa a veteribus tradi, ex quibus cognoscatur, quid illi a principio significaverint atque valuerint. Quod quamvis doleas, noli mirari. Nam Graeci cum illas religiones atque illos usus viderent, certe non accurate perspiciebant neque operam dabant, ut intellegerent, sed res secundum suas opiniones accipiebant fabulisque exornare non dubitabant. Attamen id ex memoriae frustulis, quantulacunque sunt, elucere puto Hylam nostrum neque cum Bormo neque cum Lityerse artiore ullo necessitatis vinculo coniunctum esse.

¹⁾ Cf. Suidas s. v. *Αἰνέροσος*.

II. De Graecorum ante Alexandrinorum aetatem fabulis.

In Graecorum fabulis Hylas Herculis comes est, a quo seiunctus nusquam invenitur. Quaerendum igitur est, quomodo factum sit, ut illi adiungeretur.

Quod sic videtur explicandum esse : Hercules in tota Propontidis atque Ponti Euxini ora colebatur et multarum urbium conditor vocabatur¹⁾. In quarum numero Cius erat, cuius cives Hylam quotannis vocare solebant. Nummos enim Cianorum novimus, in quibus Hercules *ὀκιστής* dicitur²⁾. Alia sane de Cii urbis origine fabula exstabat, quam Aristoteles in libro de Cianorum civitate tradidit apud scholiastam ad Apoll. Rh. I 1177 : *ἔστι δὲ πόλις Μυσίας ἀπὸ Κίου τοῦ ἀργησαμένου τῆς Μιλήσιον ἀποικίας, ὥς ἱστορεῖ Ἀριστοτέλης ἐν Κιανῶν πολιτείᾳ. κατέκρησαν δὲ αὐτὴν πρῶτον Μυσοί, ἔπειτα Κάρες, τρίτον Μιλήσιοι*. Quocum consentit Strabo XII 4, 3 p. 564 C. : . . . *Κίον δὲ καὶ τοῦτον Ἡρακλέους ἐταῖρον καὶ σύμπλον. ἐπανελεύοντα ἐκ Κόλχων αὐτόθι καταμεῖναι καὶ κτίσαι τὴν πόλιν ἐπὶ ὀνόματι αὐτοῦ*. Itaque praeter Herculem alius urbis conditor praedicabatur; nec vero errabimus, si hunc Cium, qui, ut saepe factum est, nomen ex urbe traxit³⁾, posteriore aetate fictum esse putabimus. Quae sententia eo confirmatur, quod Cius Herculi ut socius additur; cum enim in nullo Argonautarum catalogo inveniatur, sero videtur a nescio quo scriptore vel poeta huic numero additus esse. Quod vero colonos Milesios duxisse dicitur, facile fingi poterat, cum constaret Cium urbem a Milesiis conditam esse. Contra Hercules nisi antiquum Cii cultum habebat, vix a quoquam postea oppiduli conditor factus esset. Hercules aut a Milesiis in cultum Cianorum introductus est aut iam antea ibi colebatur. Urbis nomen vix a Milesiis immigrantibus statutum esse potest, cum secundum Aristotelem iam dudum urbs primum Mysorum, tum Carum

¹⁾ Urbes, in quibus Hercules Conditor colebatur, enumeratas invenis apud Spyrid. P. Lampron (De conditorum coloniarum Graecarum indole praemiisque et honoribus = *τὰ κατὰ τοὺς ὀκιστὰς τῶν παρ' Ἑλλήνων ἀποικιῶν καὶ τὰς αὐτοῖς ἀπονέμενους τιμὰς καὶ προνομίας* Lips. 1873) p. 26 ss.

²⁾ Mionnet Suppl. V p. 248 n. 1457.

³⁾ Cf. Spyrid. P. Lampros p. 39 ss.

exstaret, cuius nomen cur immutarent advenae Milesii non habebant. Itaque etiam hac ratiocinatione probatur, quod de eiusmodi conditorum nominibus in universum constat : ea plerumque sera aetate inventa esse, qui fuit mos Ephori similiumque scriptorum.

Si igitur Hercules antiquissimis iam temporibus Cium condidisse dicebatur, facile fieri potuit, ut veteres Cianorum consuetudines atque usus ad eum ut auctorem referrentur. Velut quod Hylam vocabant, dicebant, credo, Herculem primum eundem vocasse ritumque instituisse. Iam si quis quaerebat : cur Hercules Hylam vocavit atque desideravit? fabula fingeatur. Constabat Hylam in fonte esse; itaque in fontem incidisse dicebatur. Hic vero suavissimum ac vere Graecum inventum additum est nymphas illum pulchritudine eius accensas rapuisse. Accedebat nova quaestio, qua occasione Hercules in illam regionem delatus esset. Ac satis antiquis temporibus Argonautarum expeditio ad hanc rem explicandam accita est. Nam quamquam Hercules cum Minyis illis in genuina fabula coniunctus non erat, tamen simul atque per totam Graeciam gloria eximii illius roboris praeclaraeque virtutis pervulgata est, fieri non potuit, quin summus heros fortissimorum Graecorum illi societati adnumeraretur; quod revera antiquissimis iam temporibus factum esse exemplo Hesiodi vel poetae ignoti probatur, qui secundum schol. Apoll. Rhod. I 1289 eum in *Κίρκος γάμος* inter Argonautas fuisse commemorat. Quod idem Herculem post brevem navigationem relictum esse narrat, non multum refert; hoc certe constat iam illa aetate fuisse, qui Herculem in Argonautarum numerum referrent. Itaque etiam Cium ille in Argonautarum expeditione pervenisse dicebatur. Sic rem iam Cinaetho Lacedaemonius¹⁾ narrare potuit, de quo apud schol. Apoll. Rh. I 1357 haec legis : *ὅτι δὲ Κιανοὶ ὄμηρα ἔδοσαν Ἡρακλεῖ καὶ ὤμοσαν μὴ λήξεν ζήτοῦντες Ὑλαν καὶ φροντίδα ἔχονσι Τραχινίων διὰ τὸ ἐκεῖσε κατοικισθῆναι ὑφ' Ἡρακλεῖ τοὺς ὀμηρέσαντας, Κιναιθῶν ἱστορεῖ ἐν Ἡρακλείᾳ²⁾*. Si scholiasta rem accurate exposuit, duas po-

¹⁾ Qui secundum Eusebium (Chron. II p. 81 ed. Schöne) IV. olympiade vixit. Cf. Hesiodi, Eumeli, Cinaethonis etc. fragmenta ed. Marckscheffel p. 245 ss.

²⁾ Marcksch. p. 249.

tissimum hoc loco res non levis momenti nacti sumus. Habemus veterem poetam, qui fabulam de Hercule et Hyla iam copiosius tractavit et variis inventis auxit atque exornavit. Habemus praeterea exemplum, quo discimus, quo modo in hac re Apollonius auctores secutus sit, scilicet eum quae tradita erant diligenter in usum suum vocasse ac sua magis collegisse quam invenisse. Quamquam propter id ipsum, quod scholii verba cum Apollonio nimis consentiant, Seeliger (in lexico Roscheriano I p. 2793) dubium videtur, num scholiastae fides habenda sit. Sed hic omnino tam probus est auctor, ut ne hoc quidem loco ei diffidere liceat. Neque magis adsentior iis, qui in nomine Cinaethonis errorem inesse putant, cum omnino non intellegam, cur de hoc nomine dubitandum sit. Non cum Bernhardyo (Gesch. d. griech. Lit. I 308) puto *Κιναιθών* ex *Κόνων* corruptum esse — quae profecto corruptela vix explicari posset — ut malim cum Keilio dubitare, annon etiam eo loco, quo Bernhardys coniecturam suam fulcire studet, schol. I 1165 pro *Όνونه* *Κιναιθώ* restituendus sit. Quod in illo fragmento dictum est de obsidibus Cianorum in oppidum Trachinem deductis atque omnino de quadam inter Cianos et Trachinios necessitudine, fortasse ad veram prisci aevi rerum condicionem referendum est. Apud Eustathium enim ad Dionys. Perieg. 809 legimus: . . . *ἔστι δέ, φασί. Φρυγία καὶ τις τόπος Εὐρωπῆος περὶ τὴν Οἴτην τὸ τῆς Τραχίνος ὄρος, οὗτω κληθεῖσα παρὰ τὸ περὶ τὴν τὸν Ἡρακλέα καθεῖναι*. Cum vero Phryges atque Mysi inter se artissime cognati sint, fortasse vetus regionis Trachiniae memoria apud Mysos Phrygesque Asiaticos valebat. (Nam nomen *Φρυγία* a Phrygiis, non a verbo *φρύγειν* derivandum esse vix opus est monere.) Utnt haec res se habet, certe inter Cianos et Trachinios necessitudinem quandam fuisse ipsis scholiastae verbis καὶ φρονιῖδα ἔχουσι *Τραχινίων* et Apollonii I 1355 s. . . . *ἐντιμένης τε μέλονται Τραχίνος* demonstratur, cum talia poetae invenire non soleant.

Circumspicientibus alia Hylae vestigia in antiquioribus litteris nobis occurrunt Hellanicus. Legimus enim schol. Ap. Rh. I 131 *ὅν καὶ οἱ Ὑλᾶς] οὗτος Ἡρακλέους ἐρώμενος, υἱὸς δὲ Θειοδάμαντος τοῦ Λυόποιο*. . . . *Ἑλλάνικος δὲ Θειομένη ἀντὶ Θειοδάμαντος ὀνομάζει*. Cf. schol. I 1207 *τόνδε δ' Ὑλᾶς] τὸν Ὑλᾶν ὃ μὲν*

Ἀπολλώνιος Θειοδάμαντός φησιν υἱὸν εἶναι, Ἑλλάνικος δὲ Θειομένους. Quod Hellanicus narrat, ut historicus non ipse invenit, sed ex fontibus hausit. Itaque putandum est iam ante Hellanicum fabulam de Hyla cum ea coniunctam fuisse, qua de Thiodamante vel Thiomene Dryopum rege agebatur, ut etiam ex hoc testimonio perspiciamus apud Graecos fabulam iam antiquis temporibus variis ornamentis auctam esse. Unum vero, quod apud posteriores poetas legimus, antiqua aetate nondum in fabula fuisse puto: Herculem Hylam amasse. Nam Thiodamas Herculis hostis erat filiusque eius patre interfecto vi captus, servus potius quam amasius fieri debebat. Cuins rei memoria etiam apud eos poetas postea vigeat, qui Herculem Hylae amantem fecerunt. Nam etiam apud hos servi muneribus fungitur.

Aeschyleum illud *ἐπιρῶ τὸ Μύσιον* iam supra p. 4 commemoravi, quod utrum ad Hylam pertineat necne, dubium est.

Exemplum hominis carissimi frustra quaesiti ac deplorati Hylas in versu illo est, qui invenitur apud Aristophanem Plut. 1127

ποθεῖς τὸν οὐ παρόντα καὶ μάτην καλεῖς,

qui quidem iam a veteribus interpretibus ad Hylam relatus est neque iniuria, ut videtur; quem versum ab Aristophane ex tragoedia quadam desumptum esse Hemsterhusius suspicatus est. Quae opinio confirmatur Ovidii versu Tristium II 406, ubi Hylas inter tragoediarum argumenta commemoratur. Itaque illud *ποθεῖς κτλ.* a Nauckio in fragmenta tragicorum Graecorum receptum est (ed. II p. 851 adesp. 63.). Sed quid praeter illum versum in tragoedia fuerit, vix enucleari potest. Nam quae habemus ad Aristophanis locum scholia, aetatis Byzantinae sunt, quocum congruit, quod Suidas s. v. *ποθεῖς τὸν οὐ παρόντα* etc. nihil commentarii addit; nec quid illi scri aevi interpretes doctrinae habuerint, quid finxerint, dinoscere possumus. Duae narrationes de Hyla in his scholiis insunt. Altera haec est¹⁾: *τοῦ Θεσέως Ἡρακλῆν εἰς τὴν Ἀργεὶ ἐμβιβάσαντος, ἦν ἵκα πρὸς*

¹⁾ Ex codice Parisino Q (Bibl. nation. 2821 = Regio Duebneri), qui ad Plutum maxime Thomae Magistri scholia praebet. Cf. K. Zacher, Die Handschriften etc. der Aristophanesscholien (JJ. Suppl. XVI 1888) p. 627. Scholium exscripsit Duebner p. 607.

Κολχούς ἀπέστειλεν αὐτὸν κομίσοντα τὸ χρυσόμαλλον δέρας, συμ-
 παρέλαβε μεθ' ἑαυτοῦ ὁ Ἡρακλῆς καὶ Ὑλαν τὸν ἑαυτοῦ ἐρώμενον.
 ἐν δὲ τῇ παραπλέειν τῇ χέρσῳ κρήνην ἰδὼν τινα ὁ Ἡρακλῆς
 ἀπέστειλε τὸν Ὑλαν κομίσοντα ὕδωρ. ὃς καὶ ὑπὸ τῶν Νηρηίδων
 ἀρπαγῆς ἀφανὴς γέγονεν. Ἡρακλῆς οὖν μυχέτι τοῦ μείρακος ὑπο-
 στρέψαντος περιήει πᾶσαν τὴν ἐκείσε ὕλην ζήτειν (l. ζητῶν) τὸν
 ἐρώμενον καὶ ἐξ ὀνόματος καλῶν· πρὸς ὃν αἱ Νηρηίδες τοῦτ'
 ἔγρασαν ποθεῖς τὸν οὐ παρόντα. Ex hoc scholio aliud deriva-
 tum videtur¹⁾: ὁ Ἡρακλῆς εἶχεν ἐρώμενον τὸν Ὑλαν· ὅτε γὰρ
 παρὰ τοῦ θύσου (l. Θησέως) ὁ Ἡρακλῆς ἐπέμψθη ἐπὶ τῷ λαβεῖν
 τὸ χρυσόμαλλον δέρας, εἶχε καὶ τοῦτον μεθ' ἑαυτοῦ. πέμψας²⁾
 οὖν τοῦτον λαβεῖν ὕδωρ, παρὰ τῶν Πηγῶν (corr. Foerster hic et
 infra e πηγῶν)³⁾ ἡρπάσθη, ὥς ἱστορεῖ Θεόκριτος· καὶ τοῦ Ἡρακλέους
 τοῦτον ζητούντος παρὰ τῶν Πηγῶν τοῦτο ἤκουσε· ποθεῖς τὸν οὐ
 παρόντα καὶ μάτην καλεῖς. Altera narratio his verbis continetur⁴⁾:
 Ἡρακλῆς πλέον μετὰ τῆς Ἀργεῖς εἰς Κόλχους σὺν Ἰάσωνι ἐν Κίῳ τῇ
 νήσῳ ἐξελθὼν καὶ πέμψας τὸν ἐρώμενον αὐτοῦ Ὑλλαν ὕδωρ ἀντλήσαι,
 περιέμενεν αὐτόν. τοῦ δὲ ὑπὸ Νηρηῶν ἀρπασθέντος Ἡρακλῆς
 πολὺν χρόνον ἐζήτηι· ὕστερον δὲ ὑπὸ τινος αἰθερίας φωνῆς ἤκουσε
 ποθεῖς τὸν οὐ παρόντα καὶ μάτην καλεῖς.

ἐλήφθη οὖν τοῦτο εἰς παροιμίαν ἐπὶ τῶν μάτην προσδοκόντων.
 Hanc rei descriptionem haud ita commendat, quod Cius pro insula
 habetur⁵⁾; num Cius nrbs cum Ceo vel Chio insula confusa est?
 Illa suspecta est, quod Theseus Herculem impulsisse dicitur, ut
 cum ceteris ad Colchos navigaret; neque verisimile est Herculem
 ex nave fontem videre potuisse, cum non solum omnino constet
 rem in silva accidisse fontemque silva abditum fuisse, sed in ipso
 hoc scholio eadem silva commemoretur. Itaque in universum
 utrique narratiunculae diffidendum est. Sed altera quae vocem

¹⁾ Ex codice Dorvilliano, nunc Bodleiano Dorv. X 1. 3, 13.

²⁾ Πέμψας est nominativus absolutus.

³⁾ Πηγῶν hoc loco idem fere significat atque Νηρηίδων. Cf. Apoll.
 Rhod. I 1221 κρήνην, ἣν καλέουσιν Πηγὰς ἀγγέλνοι περικυκλῆται et 1243.
 Prop. I, 20, 33.

⁴⁾ In eodem codice Dorvilliano ab Hemsterhusio collato invenitur; in
 editione Aldina hoc unum scholium inest.

⁵⁾ Doctrina tantidem est, quanti Mythogr. Vatic. I 20 Graeci dum
 irent contra Troiam et ad insulam, quae Aulis vocabatur, renissent...

ex aethere profectam parum apte inducit etiam magis quam prior
 a genuina remota est.

Quoniam conguessi, quae usque ad Alexandrinos de Hyla in
 Graecorum litteris investigari poterant, pauca addam quibus
 illustrem, qua ratione Hylas cum Argonautarum fabula coniunc-
 tus sit. Apollonius Rhodius, de quo paulo infra fusius dicam,
 propter Hylam amissum narrat Herculem, cum quaerendo tem-
 pus tereret, a sociis relictum esse. Alia est ratio Nicandri et
 Theocriti. Uterque enim — alter terra, alter mari — Her-
 culem, quamquam Hylam amiserit, ad Colchos pervenire fingit.
 Puto utramque rationem Hylae cum Argonautis coniungendi, sive
 propter illum Herculem amiserunt sive non amiserunt, in car-
 minibus Graecorum iam ante Alexandrinos fuisse. Praetera autem
 erant, qui Herculem Aphetis in oppido Thessaliae relictum esse
 narrarent. Quod in universum refert scholiasta Apoll. Rh. I
 1168 μεσόμεν ἄξεν] διὰ ταύτην τὴν αἰτίαν φασὶ καταλείψθαι
 τὸν Ἡρακλέα ἐν Κίῳ. οἱ δὲ ἐν Ἀφειαῖς, ἐπειδὴ ἐτεροκλινῇ τὴν
 Ἀργεῖ ἐποίη. Vetustissimus auctor, qui, quantum nos scimus,
 hoc narravit, est Pherecydes. Cf. Apollod. I 9, 19: Φερεκίδης
 δὲ αὐτὸν ἐν Ἀφειαῖς ταῖς Θεσσαλίαις ἀπολειψθῆναι λέγει, τῆς
 Ἀργεῖς φθαρξάμενης μὴ δύνασθαι γέρειν τὸ τοῦτον βάρος. Quem
 Antimachus secutus est. Cf. schol. Ap. Rh. I 1289: ... Ἀντι-
 μαχος δὲ ἐν τῇ Ἀνδρῶν γῆσιν ἐκβιβάσθαι τὸν Ἡρακλέα διὰ τὸ
 καταβαρεῖσθαι τὴν Ἀργεῖ ὑπὸ τοῦ ἥρους. Idem locus, alia causa
 affertur in carmine vetustissimo, quod erat de Ceycis nuptiis.
 Cf. id. schol.: Ἡσίοδος ἐν τῇ Κρήνῳ γάμῳ ἐκβάνα φησὶν αὐτὸν
 ἐφ' ὕδατος ζήτησιν τῆς Μαγνησίας περὶ τὰς ἀπὸ τῆς ἀφίσεως
 αὐτοῦ Ἀφειαῖς καλουμένας ἀπολειψθῆναι¹⁾. Apud hos igitur
 scriptores Hylam commemoratum non fuisse concludemus. Quod
 Hesiodus de Herculis aquatione dixisse ferebatur, similis est
 ei aquationi, qua Hylas perit. Sed dubium est, utrum altera
 fabula quodammodo alterius imitatio putanda sit necne.

¹⁾ Hanc narrationem sequitur Herodotus VII 193: ἔστι δὲ χώρος ἐν τῇ
 κόλπῳ τοῦτ' τῆς Μαγνησίας, ἐνθα λέγεται τὸν Ἡρακλέα καταλείψθαι ὑπὸ
 Ἰήσονός τε καὶ τῶν συνεισάγων ἐκ τῆς Ἀργεῖς ἐπ' ὕδωρ πεμφθέντα... ἐντεῦθεν
 γὰρ ἔμελλον ὑδρευομένοι ἐς τὸ πηλαγὸς ἀφίσειν etc. (Nomen derivatur ex hoc
 ἀφίσειν, non ut supra); quod Diodorus IV 44, 5 in hunc modum mutavit: ὁμοίως
 καὶ τὸν Ἡρακλέα νηὲς παραδεδώκασιν πρὸς ὕδρην ἐξελθόντα κατὰ τὴν Ἀσίαν
 ὑπὸ τῶν Ἀργοναυτῶν ἐπὶ τῆς χώρας ἀπολειψθῆναι.

III. De Alexandrinis.

Poetae Alexandrini pro artis indole fabulam in deliciis habuerunt. Nam et Hercules, vir robore praestantissimus armisque et pugnis assuetus, qui tamen tenerum puerum diligenter colebat atque parentis instar magisque parente amabat, per se iis qui molles animi motus describendos ac celebrandos imprimis sibi proponerent, iucundissimum argumentum praebebat. Nec minus dolor Herculis puero amato privati idoneus videbatur, qui culte depingeretur. Accedebat nympharum amor, quo fabulae eximia gratia addebatur. Itaque mirum non est, quod haec fabula poetis illius aetatis admodum placebat et multifariam tractata est. Ad nos pervenerunt ex illis temporibus tres integrae vel paene integrae narrationes, alios poetas aut scriptores partim constat partim verisimile est de Hyla egisse, nec dubium est, quin ab aliis eadem res prolata sit, de quibus neque quicquam sciamus neque concludere possimus. Nunc vero ad singula transeamus.

1. Apollonius Rhodius

in Argonauticorum libro primo haec narrat (v. 1153—1357): Argonautae Iasone duce ad litus Cianum appropinquaverant, cum ventus plane remisit. Itaque remis, quantum quisque potuit, incubuerunt, ut navem ad oram appellerent. Qua in re Hercules quoque summa virium contentione occupatus remum fregit. Sub vespere nave appulsa Argonautae a Mysis benigne recepti sunt; dum ceteri cenae stratisque provident, ille, ut novum remum sibi pararet, in silvam abiit. Interim Hylas (qui I 131 s. iam commemoratus est:

. . . σὺν καὶ οἱ Ὑλᾶς κίεν ἐσθλὸς ὀπάων,
προσθήβης, ἰὼν τε φορὸς φίλας τὲ βιοῖο)

cum aeneo vasculo (*χαλκῆ σὺν ἀλκιδι*) procul a turba nautarum fontis sanctos fluctus (*ἱερὸν ῥόον*) quaerebat, ut illi aquam ad cenam hauriret ceteraque absenti diligenter administraret. Nam ad talem consuetudinem Hercules eum educaverat, cum infantem ex patria domo abduxisset, filium Thiodamantis, regis Dryopum, quem necaverat. Manum cum eo conseruerat propter bovem. Thiodamantem enim in agro arando versantem ille rogaverat,

ut sibi bovem praeberet; quem cum Thiodamas dare nolle, ei invito ademerat, cum causam belli contra Dryopes quaereret propter horum iniurias iratus. Sed haec a proposito longius absunt. Hylas autem celeriter ad fontem pervenit, quem vicini Pegas vocant (*ἦν καλέονσι Πηγάς ἀγγίνοι περὶναίεται*). Modo nympharum chorus instituebatur; cunctae enim nymphe, quae circa amoenum illum locum habitabant, Dianam nocturnis cantibus celebrare solebant. Iam accesserant, quae cacumina montium nactae erant quaeque antra et quae silvas tenebant; fontis autem pulchri nymphe naias (*νύμφη ἐγνυδαίη*) modo emersit: vidit illum prope se pulchritudine et gratia splendentem, cuius faciem ei lunae lux ostendebat. Statimque Venus animum nymphe insuperabili desiderio incendit. Ubi igitur ille urnam in aquam demisit ad fontem procumbens, aqua autem cum fremitu in urnam influere coepit, statim illa laevum brachium collo Hylae circumiecit tenerum os basiare studens; dextera vero manu ulnam eius attraxit: sic ille medium in verticem incidit. Hylae clamantis vocem solus comitum Polyphemus audivit, qui longius a ceteris processerat. Herculis enim reditum exspectabat. Tum vero celeriter ad Pegas contendit atque alta voce clamans per totam regionem cucurrit gladio desticto, ut Hylam sive a praedonibus sive a bestiis liberaret. Sic gladium nudum vibrans in tenebris Herculi occurrit. Statim contentione vix halans: Miserrime, inquit, equidem tibi omnium primus gravem calamitatem narrabo. Hylas enim, qui fontem petivit, non salvus rediit; sed aut praedones eum secum abducunt aut ferae in eum impetum fecerunt: clamorem eius audiui. Quibus verbis maxime commotus Hercules abiecta pinu, quam ut remum haberet, radicitus evellerat, rursus in silvam currit tauro furenti similis, qui a tabano vexatur, et maxima voce Hylam vocat. Iam vero stella matutina apparebat ventusque aderat; quo usi urgente Tiphye gubernatore Argonautae navem conscenderunt ancorasque solverunt. Ubi autem aurora diem clarum produxit, cognoverunt se illos reliquisse, qua de re magna inter socios rixa orta est. Iasonem Telamon incusavit, quod libenter Herculem reliquisset, ne gloria sua obscuraretur. Gubernatorem autem commovisset, ut navem ad Mysorum litus reduceret, nisi Boreadae id impedivissent. Qui postea iustam

poenam non effugerunt, cum Hercules eos a ludis in Peliae mortui honorem actis redeunt in insula Teno interficeret. Quo facto eos tumulo condidit (*ἀμύσατο γαῖαν ἄμφ' ἀντοῖς*) atque in eo columnas duas erexit, quarum altera aquilonis flatu movetur. Argonautis vero Glaucus, Nerci prudens interpres (*πολυγράδμον ὑποφῆτης*), e mari emersus nuntiavit ipsius Iovis voluntate Herculem impediri, quominus cum ceteris ad Aeetem perveniret; Argis eum duodecim illos labores ab Eurystheo impositos perficere debere¹⁾, tum paucis sponte additis inter deos immortales receptum iri. Item Polyphemum secundum fatum ad Cii fluminis ostium in Mysis oppidum conditurum diemque supremum in Chalybum finibus obiturum esse. Hylam vero, inquit, cuius causa illi aberrantes relictis sunt, nympa diva sibi coniungam elegit. Talia locutus in mare rediit; Argonautae vero auditis laetabantur. Telamon Iasonem precatus est, ut sibi ignosceret: concordia restituta est. Nantae igitur ut antea ad remos consederunt; illi autem quod in Iovis voluntate erat fecerunt: alter in Mysis remansit oppidum conditurus, alter Argos rediit. Minatus vero est se terram Mysorum vastaturum esse, nisi quod fatum Hylae vel vivi vel mortui fuisset, invenirent. Ac pollicebantur se nunquam desituros esse Hylam quaerere huiusque rei obsides nobilissimos ei adulescentes dederunt. Quamobrem adhuc Ciani Hylam, Thiodamantis filium, quaerunt Trachisque urbs iis curae est. Nam ibi Hercules obsides a Mysis acceptos deposuerat.

Haec sane narratio, siquidem variarum rerum, quas poeta ad ipsam fabulam addidit, ambages respicimus, vere epica est. Id additamentum, quod quis maxime miretur, est de Polyphemo. Nam hic Hylam quaerens 1243—1252, Hercules idem faciens 1261—1272 ita describuntur, ut fere fabulae duplicatio existat, qua, ut recte Georgius Knaack²⁾ dixit, vis poetica enervatur. Atque hoc quidem in propatulo est Apollonium, quod de Poly-

¹⁾ I 122—131 narratum est Herculem apro Erymanthio capto Argonautis Eurystheo invito se iunxisse.

²⁾ Herm. XVIII p. 30.

phemo narrat, non ex suo ingenio invenisse. Nam si invenisset, operam dedisset, ut ipse sibi difficultates pareret. Immo puto eum duas diversas fabulas in unam conglutinasse, quae eius consuetudo fuit. Erant enim, qui non Iasonem, sed Herculem ducem Argonautarum facerent.¹⁾ Apollonius, qui fabulam sine dubio vetustiore secutus Minyarum ducem Iasonem tenuit, tamen alteram fabulam prorsus tacere noluit. Quare I 331—349 narrat Herculem quidem ab omnibus uno ore ducem appellatum esse, sed munus non suscepisse; tum illo ipso auctore Iasonem creatum esse. Hoc quamquam primo obtutu satis scite excogitatum videtur, tamen quam artificiosum sit, eum qui rem acris examinaverit, fugere non potest. Nam Iason totam expeditionem suscepit a Pelia iussus; ceteros, quicunque erant, auxilio tantum sibi arcessivit: itaque ducem creare omnino non opus erat, cum is re ipsa ab initio designatus esset. Quod quodammodo ipse Apollonius confitetur, cum Herculem dicentem faciat I 347:

ἀνὴρ, ὅτις ξυνάγειρε, καὶ ἀρχενοὶ ὁμάδοιο.

Aliud eiusdem consuetudinis invenio exemplum in ea ipsa parte, qua quid in Mysis acciderit tractatur, dico versus 1298—1325. Erat, ut ex scholiis ad eum locum collatis discimus, Herculis cum Boreadis similtas in fabulis Graecorum satis pervulgata; quare quod ad varias causas huius rei inventas Apollonius sive is quem sequebatur, novam eam addidit, quam vv. 1298—1309 legimus, Boreadas impedivisse, quominus Argonautae Herculem imprudenter relictum recuperarent, hoc per se nec mirandum

¹⁾ Cf. Nicander *Ἑρεοισόμενα* II frg. 48: *Ἡρακλῆς ὅτε μετὰ τῶν Ἀργοναυτῶν ἐπλεῖ, στρατηγὸς ὑπ' αὐτῶν ἀποδειχθεὶς* etc. Strabo quoque rem ita intellegere videtur, cum dicat Hylam unum ex sociis Herculis itemque Cium (XII 4,3 p. 564 C. . . . τὸν Ὑλῶν, ἕνα τῶν Ἡρακλέους ἐταῖρων . . . et Κίον δὲ, καὶ τοῦτον Ἡρακλέους ἐταῖρον καὶ σύμπλουν). Hi duo testes a Seeligero (lex. Roscher. s. v. Argonautensage p. 509) omisi sunt. Praeterea Dionysius Mytilenaeus huic numero adiungendus est. Cf. Apollod. I 9, 19 *Λιονύσιος* . . . αὐτὸν (sc. Herculem) καὶ ἡγεμόνα φησὶ τῶν Ἀργοναυτῶν γενέσθαι. Quem secutus est Diodorus IV 41,3 . . . τοὺς δ' οὖν ἀριστεῖς συνελθόντας ἐλέσθαι σφῶν αὐτῶν στρατηγὸν Ἡρακλέα προκρίναντας καὶ ἀνδρείων. Cf. etiam scholia ad Aristoph. Plut. 1127 supra (p. 13 s.) laudata.

nec vituperandum est.¹⁾ Statim vero poeta aliam causam proferit, qua commoti Argonautae libenter consilio Herculis quae-
rendi destiterint quaeque ita ad rem expediendam idonea est,
ut altera prorsus superflua videatur. Glaucus enim ille senex
marinus illos de Herculis, Polyphemi, Hylae fati certiores fa-
cit, ita ut sedatis animis iter pergant. Glaucum quoque vati-
cinantem Argonautarum fabulae dudum insertum fuisse putan-
dum est, cuius rei vestigium Diodori loco exstat IV, 48, 6
τοῦ δ' Ὀυφείως. καθάπερ καὶ πρότερον, εὐχὰς ποιησαμένον τοῖς
Σαμόθραξι (in reditu Argonautarum) λῆσαι μὲν τοὺς ἀνέμους,
φανῆραι δὲ πλείον τῆς νεὸς τὸν προσαγορευόμενον θαλάττιον
Γλαῦκον. τοῦτον δ' ἐπὶ δύο νύκτας καὶ δύο ἡμέρας συνεχῶς τῇ
γῇ συμπλέσαντα προειπεῖν μὲν Ἡρακλεῖ περὶ τῶν ἄλλων
καὶ τῆς ἀθανασίας, τοῖς δὲ Τυνδαρίδαις, ὅτι προσαγορεύονται
μὲν Λύσκοροι, τμηρὶς δ' ἰσοθέον τεύχονται παρὰ πᾶσιν ἀνθρώποις
etc. Quod hoc loco Glaucus de Hercule pronuntiat, prorsus
cum Apollonio consentit. Concludemus igitur vetustiorē fuisse
fontem, ex quo Apollonius hoc certe hauriret, Glaucum aliqua
occasione data Argonautis vaticinia edidisse; quod vero hoc
potissimum loco illum de Hercule, Polyphemo, Hyla relictis va-
ticipinantem induxit, puto ipsi poetae tribui posse. Nec male hoc
inventum esset, modo Boreadas omisisset.

Redeo nunc ad Polyphemum. Quem nescio quo tempore
Hylae amasium factum esse — verisimile est iam Apollonium
hoc novasse — accepimus ex Socratis libri qui inscribitur
πρὸς Εἰδόθεον fragmento in scholiis ad Apollonium et ad Theo-
critum servato. Habes enim schol. Ap. I 1207 . . . Σωκράτης
δὲ ἐν τῷ πρὸς Εἰδόθεον γησι τὸν Ὑλαν ἐρώμενον Πολυφῆμον καὶ
οὐχ Ἡρακλέους γενέσθαι. Quo accedit schol. cod. Ambros. 222 in
Theocr. XIII 7 τὸν Ὑλαν Σωκράτης υἱὸν Ἡρακλέους γησίην.
Ἀπολλώνιος δὲ ὁ Ῥόδιος Φιλοδάμουν καὶ (pro his duabus corruptis
vocibus legas Θειοδάμαντος, Νικάνδρος δὲ) Κήνκος, Εὐφροῖον
δὲ Εὐφῆμον (l. Πολυφῆμον) τοῦ Ποσειδῶνος ἐρωμένον (l. ἐρώμενον),
καὶ ἄλλοι ἄλλων. Emendationes huius loci dudum inventae²⁾ proban-

¹⁾ Hoc tantum cuius dubium videatur, num Boreadae viribus aut au-
toritate soli tantum valuerint, ut ceteros omnes retinerent.

²⁾ Priorem partem emendavit Io. Toupius in *Animadversionibus in
scholia Theocritea* (quas reperis in editione Theocriti a Warton a. 1770

tur iis, quae de Apollonii et Nicandri narrationibus scimus, praeterea
scholio ad Apoll. modo allato, denique eo quod est ad Apoll. I 40
. . . τὸν δὲ Πολυφῆμον Ἐλάτιον παῖδα εἶπεν Ἀπολλώνιος, Σωκράτης
δὲ καὶ Εὐφροῖον Ποσειδῶνος. Quod hic dicitur Σωκράτης καὶ
Εὐφροῖον, accipio pro „Socrate et eo quem ille in libro suo
laudaverat, Euphorione“¹⁾. Item totum scholium ad Theocr. XIII 7
ex eodem Socratis libro videtur excerptum esse. Iam quaeritur,
quomodo Polyphemus ille vetus Lapithes Hylae amasius fieri
potuerit. Quod Knaackius Herm. XVIII 30 explicare studet ex
ea fabula, qua Polyphemus Cium condidisse ferebatur. Hoc si
verum est, Polyphemus similiter cum Hyla coniunctus est atque
Hercules. Quamquam de Polyphemo non tam apertum argu-
mentum habemus quam de Hercule. Quod in schol. I 1470 legimus
Πολυφῆμος ἐν Μυσίᾳ καταλειφθεὶς ἔκτισε πόλιν Κίον τὴν οὕτως
ὀνομασθεῖσαν ἀπὸ τοῦ παραρρέοντος ποταμοῦ, per se potest ex
Apollonii ipsius narratione repetitum esse; sed cum pergat scho-
liasta μαχόμενος πρὸς Χάλυβας οὗτος ἐτελεύτησεν, ὥς φησι
Νυμφόδορος, huius Nymphodori ea quoque esse, quae ante-
cedunt, probabiliter coniecit Knaackius l. l. n. 1. Sequitur in scholio
ὅτι δὲ τὴν Κίον ἔκτισεν, εἰρηχεν αὐτὸ (corruptum videtur) χάρις
(l. Χάρης²⁾) ἐν πρώτῳ χρόνῳ (l. Χρονικῶν). Neque aut Nym-
phodorum aut Charetē in Chronicis hoc ex Apollonio sumpsisse
probabile est, etiamsi aetate eo inferiores fuerint³⁾; sed ex alio
quodam fonte vetusto et illi et Apollonius sua hausisse videntur.
Hic igitur secundum consuetudinem suam, quae de Polyphemo
ferebantur, silentio praeterire noluit. Cum vero intellexisset
praeter Herculem alium Hylae amatorem apte induci non posse,
quaerendi saltem eum participem fecit. Ac si omittimus eam quam
reprehendimus fabulae geminationem, cetera profecto scite com-
posita sunt. Quod Hercules remum novum quaerens in silvam

curata I p. 219; Πολυφῆμον ἐρώμενον correxit Io. Bernhardus Koehler
Notae et emendationes in Theocritum, Lubecae 1767 p. 43. Idem invenit
Wartonus, qui quidem Koehlerum non laudat.

¹⁾ Cf. Susemihl *Gesch. d. griech. Litter. in d. Alexandrinerzeit* II p. 59
n. 134.

²⁾ Sic melius legitur quam Χάραξ, quamquam quis Chares dictus sit,
ignoratur. Cf. Susemihl II p. 512 n. 23.

³⁾ Cf. Susemihl I 475 s. ac maxime n. 75.

abit — hoc et quae sequuntur, ab Apollonio Polyphemi causa inventa esse credo — quod Polyphemus eius affinis¹⁾ atque amicissimus paulum in viam progressus illum exspectat, vocem Hylae clamantis audit statimque ei succurrere studet, dum Herculem redeuntem videt, qui puerum denuo quaerit, haec omnia bene inter se congruunt recteque procedunt. Minus probabile est, quod dicit poeta tenebris nocturnis impeditos Graecos non animadvertisse tres socios abesse. Nam non erat nox profunda, cum Tiphys gubernator socios navem conscendere iubebat; sed prima lux aderat, quoniam legimus I 1273 ἀντίχα δ' ἀχροιάτας ὑπερέσχεθεν ἄκριας ἀσπίδος ἡρώς etc. Praeterea nautae certo quodam ordine ad remos sedebant, ita ut vix latere posset, si quis deesset. Sed largiamur hoc Apollonio. Iam vero debebat explicare, quid tres illi relictī postea gesserint. Quod de Hyla facillimum erat dicere, cum a nymp̄ha teneretur; nec difficilior res erat de Hercule, quippe qui nondum omnes labores, quos Eurysthei iussu debebat subire, perfecisset. Restabat Polyphemus. Quem in Hyla quaerendo occupatum esse Apollonius fingere non potuit, cum casu tantum, non amore commotus ante Herculem laboranti succurrere studuisset, ac maxime ea de causa, quod Hylam quaerere secundum vetustam famam etiam apud Apollonium Mysi iussi sunt. Ut igitur etiam Polyphemus, sicut Hercules et Hylas, certo fato ab Argonautarum expeditione advocatus esse videretur, poeta, opinor, veterem quam commemoravimus famam secutus eum urbem illam condidisse narravit. Talia a Glauco audientes Graeci verum solacium habebant. Denique ne eam quidem fabulam qua Polyphemus apud Chalybes versatus et mortuus esse ferebatur, Apollonius carmini suo inserere dubitavit dicens Polyphemum postquam oppidum illud condidisset, reditus desiderio commotum per Asiam migrasse, ut Argo navem reperiret; denique ad Chalybes venisse ibique interfectum esse. Est locus IV 1472—1475 :

ἀλλ' ὁ μὲν οὖν Μυσοῖσιν ἐπικλεῖς ἄσιν πολιόσας
νόστον κηδοσύνησιν ἔβη διζήμενος Ἀργῶ

¹⁾ Cf. schol. I 1241 . . . γυναῖκα δὲ ἔσχεν ὁ Πολύφημος Ἀσσύριον,
Ἡρακλέους ἀδελφόν, Ἀμφιγυῶνος καὶ Ἀλκμήνης θυγατέρα.

τῆλε δὲ ἠπαίροιο· τέως δ' ἐξίκετο γαῖαν
ἀγχιάλων Χαλύβων· τόθι μιν καὶ Μοῖρ' ἐδάμασσαν.

Quasi vero urbem ille paucis diebus condidisset, ut omnino sperare posset navem ex illis regionibus nondum excessisse; quae etiamsi tamdiu in Ponto Euxino versabatur, ab illo vix inveniri potuit. Haec de Polyphemo. — De Thiodamante Hylae patre accuratius agam, si ad Callimachum venero. — In Hylae raptu describendo locum, quo res accidit, certe denotat Apollonius secundum fontes, quos non novimus; quo etiam nomen *Pegae* pertinet. Quod cum etiam apud Propertium I 20, 33 occurrat, quem infra videbimus Apollonio non usum esse, sequitur etiam alium quendam poetam aetatis Alexandrinae idem nomen habuisse; hunc vero nomen non ex vetere fonte, sed ex Apollonio hausisse dissimillimum veri est. Si Apollonio credendum est, hoc ipsum nomen ab incolis quoque illius regionis aquae ibi nascenti inditum erat. Cf. I 1221 s. :

αἶψα δ' ὄγε κρήνην μετεκίαθεν, ἣν καλέονσιν
Πηγὰς ἀγλήνοι περυναίεται.

Quae de Hylae raptu sequitur narratio Apollonii propria ac nisi fallor ab eo inventa est : cum nymp̄hae omnes illius regionis secundum consuetudinem noctu in Dianae honorem in prato saltaturae et cantaturae essent, Hylam accessisse et ab ea nymp̄ha, quae in fonte habitaret, detractum esse, ut eius coniunx fieret. Apud Theocritum quoque complures nymp̄hae commemorantur, sed hae omnes in fonte sunt ibique etiam choreas agunt id. XIII 43:

ἴδαι δ' ἐν μέσσοι Νύμφαι χορὸν ἀγριζόντο,
Νύμφαι ἀκοίμητοι, δειναὶ θεὰ ἀγροῦνταις.

Atque Hylas ab omnibus quoque amatur et rapitur. Nec secus res narratur ab eo quem Propertius secutus est I 20, 45—47:

Cuius ut accensae dryades candore puellae
Miratae solitos destituere choros,

Prolapsum leviter facili traxere liquore.

Itaque vix dubium est quin in genuina de Hylae raptu fabula complures nymp̄hae fuerint eaeque omnes ad fontem Hylamque pertinuerint; quod praeter eos quos dixi poetas etiam Nicandri testimonio probatur. Etiam nymp̄harum ille chorus antiquiore tempore inventus videtur; de hac re Nicandro teste caremus,

quamquam ex iis quae Antoninus Liberalis XXVI narrat, conicere non debemus chorum nympharum in ipso Nicandri carmine non fuisse. Apollonio vero non placuit — sic enim res explicanda videtur — in uno fonte complures nymphas habitare; itaque totam rem immutare debebat. Choreas illas suavissimas cum neglegere nollet, finxit ab illa una fontis nympa cum ceteris eiusdem regionis, quae montes, specus, silvas tenebant, agi idque ut decebat, non in fonte, sed in regione iuxta fontem sita. Id autem scite inventum est, Hylam eo tempore in silvam venisse, cum nympae undique ad chorum accurrerent; nam modo nox, cui tales res tribuuntur, ingruerat, cf. I 1172 ss. In hac tota narratione quid reprehendendum sit, non invenio; hoc dico, quod Georgio, Knaack res displicuit. Dicit enim Herm. XXIII p. 137 . . . *Apollonius bemüht eine Berg-, Wald- und Quellnymphe und lässt doch nur die letzte von Liebe zu dem holden Knaben ergriffen denselben in die Tiefe hinabziehen . . .*; vituperat igitur poetam, quod nimio apparatu rem ornauerit. Hoc vero prorsus iniuria: nam primum res ab Apollonio brevissime describitur vel potius tangitur; tum monendum est chorum omnino eam ob causam solam commemorari, ut sciamus, cur hoc ipso tempore nympa ex fonte emergat, quo factum est, ut Hylam conspiceret; ceterum etiamsi nympharum chorum fusius descripsisset, poetae epico ignoscerem.

De obsidibus Cianorum ceterisque rebus quas secundum scholiastam Apollonius ex Cinaethone desumpsit, iam supra p. 11 ss. dictum est.

2. Theocritus

de Hyla carmen pulcherrimum XIII composuit: Amor, inquit, non solum hominibus, qui nunc sumus, mortalibus, sed iam Herculi illi heroi fortissimo non ignotus erat; is enim, qui leonem ferum sustinuit, Hylam amabilem, puerum cincinnatum (τοῦ τὰν πλοκαμῖδα φορεῦντος) tenere atque diligenter colebat. Omnia eum edocuit patris instar, quae ipsi gloriae fuerant; numquam eum a se dimisit. Cum vero Iason vellus aureum peteret, qua in re fortissimi Graecorum viri eum adiuvabant, Hercules quoque cum Hyla Argo navem conscendit, quae saxis Cyaneis evitatis ad Phasin feliciter pervenit; tertio autem die secundo vento

Hellespontum intraverunt. Ad Propontidis litus, ubi Ciani habitabant, navem appulerunt atque in terram egressi sunt die vespascente. Dum sibi Argonautae cenam parant κατὰ ζῆνάν, ut in remigando sic in cenando coniuncti, ac suum quisque lectum herbis ac caespite componit, Hylas flavus (ὁ ξανθός) abiit aquam ad cenam hausturus ipsi Herculi et Telamoni, qui amicitia coniunctissimi etiam mensam coniungebant, aeneam urnam gestans (χάλκεον ἄγγος ἔχων). Brevi fontem conspexit in loco demisso (ἐμὲν ἐν χώρῳ) circumdatum arundine et herbis. In media autem aqua nympae chorum parabant (χορὸν ἀριττονίον), numina agricolis periculosa, Eunice et Malis et cuius ex oculis ver tibi adridet, Nychea:

Εὐνείκα καὶ Μάλις ἔαρ θ' ὀρόωσα Νύχεια.

Iam adulescens urnam undis admovit in aquam demissurus; illae vero statim omnes manu eum prehenderunt, nam omnium animos amor Graeci pueri ceperat:

πασάν γὰρ ἔρωσ ἀπαλὰς φρένας ἐξεσώθησεν
Ἀργεῖον¹⁾ ἐπὶ παιδί . . .

ac subito decidit in aquam, ut stella splendens de caelo repente in mare procidit nantis ventum secundum denuntians. Nymphae autem adulescentulum flentem blanditiis consolabantur. At Hercules de puero anxius percurrit regionem arcum Scytharum more curvatum et clavam gestans, quam dextera tenere solebat. Ter Hylam vocavit quam altissima potuit voce; ter quoque puer vocem audivit, sed ex aqua tenuis tantum respondentis sonus evasit, ut quamquam proximus erat, remotissimus videretur. Hercules igitur eum procul clamare arbitratus, sicut leo procul ex saltibus cervae clamore audito statim ex cubili ad cenam iucundam contendit, non minore impetu per vias sentibus impeditas latum spatium percurrrens puerum requirebat. Miseri sunt amantes: quae tum ille passus est montes silvasque pervagans, duriora erant quam omnes Iasonis labores. Interim cum navis

¹⁾ Ἀργεῖος sine dubio secundum usum poetarum inde ab Homeri temporibus notissimum est „Graecus“, non Argis oriundus, ac Theocritus certe Hylam, non secus atque erat in fabula satis pervulgata, filium Thiodamantis putavit. Suspicio vero quempiam ex illa voce conclusisse Hylam Argis ortum esse, quem secutus esse Hyginus videtur fab. XIV p. 46 Schmidt: *alii aiunt ex Argis comitem Herculis.*

ad iter pergendum parata esset, tamen socii aliquantum temporis Herculem manebant. Hic vero quo pedes ferebant, furenti similis contendebat misero amore actus. Sic factum est, ut Hylas ille pulcherrimus inter divos haberetur; Herculem quidem socii increpabant, quod navem deseruisset; at ille pedibus ad Colchos profectus est. — Hoc Theocriti carmen iis quae in Apollonii Argonauticis legimus, fere contrarium est. Illius ars continetur variis rebus quam plurimis colligendis, ut legentium animi copiosa expeditionis clarissimae imagine delectentur; itaque Thiodamantem, Polyphemum, Glaucum, Cianorum usum et urbem conditam pluribus tractat neque quid curae rixaeque Hercules relictus Graecis attulerit, ornate explicare omittit: denique id studet ut epicus poeta, ne quid praetereat, quod in illa expeditione acciderit, quo fit, ut quae de Hyla habet, compluries etiam interrumpantur. Theocritus aliter: unum sibi proposuit Hylae fatum describendum, quo duae res contineantur: Hylae rapina et Herculis dolor; ceterum artis finibus rem suam circumscripsit idque maxime operam dedit, ut omnia omitteret, quae non ad illas res describendas pertinerent. Rem vero ipsam omni arte ornavit, ut existeret parva quidem sed bene composita absolutaque imago et verum εἰδύλλιον. Hic nihil est illorum additamentorum quae supra commemoravimus; tamen una re Theocritus fabulam auxit eaque potissimum re eximium artis specimen dedit. Nescio an nunquam amor pueri in Graecorum poesi elegantius pulchriusque descriptus sit quam quo amore Hercules apud Theocritum Hylam colit. Apollonius narrat Hylam ad varia servi munera educatum esse, inter quae etiam illa aquatio est et quod puer I 131 dicitur ἰὼν τε φορὸν ἐν γυλάκῳ τε πλοῖο; I 1211 δὲ γὰρ μιν τοιοῖσιν ἐν ῥήθειν ἀντὶς ἔφερον. Huic versui tamquam argumenti loco additur puerum ab Hercule vi captum esse. Hylam ab Hercule amari Apollonius diserte non dicit, ac nisi id sciremus, paene miraremur, quod tanto studio tantoque dolore permotus postea Hercules servum suum quaerit. Contra Theocritus cum intellexisset servitium cum amore male coniungi, illud omnino omisit: quod Hylas aquam Herculi et Telamoni haustus abibat, facit sua sponte, ut decet filium pium patri servire. Nam plus studii ac benevolentiae pater in filium non potest conferre quam Hercules v. 8

—15 in Hylam contulisse dicitur, qui eum ad omnem virtutem instrueret atque ita diligeret, ut semper secum haberet salutemque eius anxie curaret. Quoniam tantum fuisse amorem audimus, facile credimus, quae inde a v. 55 de Herculis dolore narrantur. Puto vero, si quicquam, praeclaram illam descriptionem qua Hercules Hylae amans depingitur, Theocriti propriam esse. In fonte describendo Theocritus quam proxime ad veram rerum naturam accedere studuit, cum eum talibus herbis circumdaret, quales prope fontem nasci facile putes, non liliis illis et papaveribus, quae apud Propertium invenis. Quod in fonte complures nymphae sunt, id iam diximus poetam ex fabula tradita hausisse; certus vero quem habet trium nympharum numerus ab illo ipso inventus videtur itemque nomina, quae nymphis dedit, ipse, credo, ad suum arbitrium elegit.¹⁾ Iam vero postquam descripsit ipsam rapinam, sequitur suavissima quaedam res, quam non dubito Theocriti ingenio tribuere, v. 53. 54:

Νύμφαι μὲν σφετέροις ἐπὶ γούνασι κοῦρον ἔχουσαι
δακρύνειν ἄγανοῖσι παρρηύχοντι ἐπέσσειν.

¹⁾ Puto non aliter intellegendum esse Knaackium dicentem (Herm. XXIII p. 137) . . . bei Theocrit sind es drei Quellnymphen mit unmuthig klingenden (doch wohl frei erfundenen) Namen, die zusammen den schöpfenden Knaben rauben . . . Nomen Ἐνείτα (= ea de qua multum certatur, cf. Lehrs, Pop. Aufs. Lips. 1875² p. 120) iam inter quinquaginta illas Nereides, quae ab Hesiodo theog. 240 ss. enumerantur, reperitur. Praeterea a Suida s. v. Σαπφώ inter Sapphus discipulas Ἐνείτα Σαλαμινία commemoratur, et auctor carminis quod fertur inter Theocritea XX vv. 1 et 42 mulieri cuidam idem nomen dat. Μαλὶς vel Μηλὶς nomen est totius cuiusdam generis nympharum sive pecoris curam significans (a voce μῆλον) sive derivatum a μηλέα vel μηλὶς „quae ad malum pertinet“ (cf. Schoemann, De Nymphis Meliis, Gigantibus et Erinysin p. 5 = opusc. II p. 127). Tum mulieri cuidam nomen est Μηλὶς in titulo fere anni 240 a. Chr. n. prope Oropum invento, quo de rebus quibusdam Amphiarai sacris reficiendis agitur, cf. CIG I n. 1570 p. 748 s. = Dittenberger Inscr. Graeciae septentr. 303. Commemoratur Μηλὶς Φιλήμονος Χαερωνέως θυγάτηρ Dittenb. 3314. Νύχεια praeter nostrum locum est in epigrammate incertae aetatis AP IX 648:

Ὠκεανοῦ θυγάτηρ καὶ Τηθύος εἰμὶ Νύχεια
κρήνη· Τηλεβόαι γὰρ με τόδ' ὀνόμασαν.
Νύμφαις μὲν προχέω λουτρὸν, θυγατρὶσι δ' ὀγείην
θῆκε δὲ με Πιερέας υἱὸς Ἐρυαλίου.

His verbis, ut nymphae Hylam, ita poeta legentes consolatur de pueri sorte, quippe in quem illae nihil nisi amorem et benevolentiam conferant. Quod Hercules ad Hylam quaerendum non clamore aliquo aut nuntio audito, sed simpliciter cura pueri nimium morati impellitur, id praeter Theocritum etiam Nicander habet: quamobrem puto hoc ad vetustiore fabulae formam redire. Quod vero Hercules Hylam ter vocat, apud neminem alibi legimus; aut Theocritus memor erat illius Cianorum ritus, secundum quem, quod ex Nicandro discimus, Hylas ter vocabatur, aut omnino, ut certum numerum haberet, rem ita finxit. Hoc vero, quod posteriore loco posui, verisimilius est, quoniam vidimus Theocritum rem ex omni conexu illius modi solvisse. Hylas ex aqua respondens, sed tenui voce, ita ut procul abesse videretur, item Theocriti proprius est.

Qui sequitur error Herculis omnium scriptorum communis est; unum autem tantum apud Theocritum et Propertium reperitur, quod amore dicuntur maximi nasci labores. Hi sunt loci: Theocr. v. 66. 67:

σχέλιοι οἱ γιλέοντες ἄλλόμενος ὅσσ' ἐμόγησεν
οὔρεα καὶ δρυμοί, τὰ δ' Ἰήσονος ἕστερα πάντ' ἴς.

Prop. I 20, 3:

Saepe imprudenti fortuna occurrit amanti

et 13—16:

*Ne tibi sit (durum) montes et frigida saca,
Galle, neque expertos semper adire lacus,
Quae miser ignotis error perpessus in oris
Herculis indomito flevit Ascanio.*

Quae inter hos locos intercedit similitudo mihi non videtur mero casu orta esse; quomodo res explicanda sit, infra exponam, cum ad Propertium venero. Id autem pro explorato habeo hanc sententiam, quae maxime id continet quod Germanico vocabulo dicitur *sentimental*, non ante Alexandrinorum aetatem fabulae nostrae additam esse. Hylam rapina illa divum immortalemque factum esse Theocritus diserte dicit; idem legitur Orph. Argonaut. 651; Apollonius cum narrat nympham illum sibi coniugem elegisse, certe idem intellegit. Ac sine dubio, simul atque fabula Graeca de Hyla composita est, hic eventus rei factus est.

Herculem socii apud Theocritum quoque relinquunt, sed non imprudentes; credunt enim eum ab expeditione defecisse — quod num bene inventum sit sive a Theocrito sive iam ante eum, dubitari potest, cum vix credibile sit Graecos, qui in Argo erant, Herculis sui fidem non pluris aestimasse.

Herculem pedibus ad Colchos profectum esse nisi apud Theocritum nusquam legimus; hoc si non ab ipso Theocrito fictum est, certe in genuina Argonautarum fabula nondum erat, cum secundum eam qui expeditionis participes erant nave ad Phasin pervenire consentaneum sit — aut igitur Hercules inter nautas usque ad finem erat, aut si in itinere relictus erat, inde ab eo tempore socii erat ereptus. Utut hoc est, certe carmen Theocriteum hoc modo simpliciter et apte concluditur.

Hic ego quoque eorum quae de Theocrito disserenda sunt, finem facerem, nisi Wilamowitzii quadam coniectura, quam Georgius Knaack Herm. XVIII 29 et XXIII 137 commemorat ac nimia fiducia hoc loco etiam probasse sibi videtur, retinerer. Putat enim Wilamowitzius Theocritum carmine suo Apollonium tacite correxisse.¹⁾ Sane vidimus rem a Theocrito prorsus aliter tractatam esse atque ab Apollonio; sed pleraque quibus illi differunt, ex diversa carminis epici et idyllii indole facile explicantur. Nec mea quidem sententia Apollonius tantopere vituperandus est quantopere Knaackius vult, qui eum dicit *masslos ungeschickt*. Quae enim res ad hoc iudicium fulciendum afferuntur? *Statt der vom Scholiasten als unpassend getadelten κάλις trägt Hylas bei Theokrit einen χρωσός*: tales minutiae ad rem probandam nihil valent; praeterea vereor, ne Knaackius quaerenti, cur *χρωσός* ille alteri voci quam Apollonius usurpavit, praestet, respondere nequeat. Quod Apollonius non modo, ut Knaackius dicit, unam oreadem, unam silvestrem nympham unamque naiadem, sed multas illius regionis nymphas ad chorum convenire dicit, quamquam una fontis nympa in Hyla rapiendo

¹⁾ Hoc Susemihlius (Gesch. d. griech. Litt. in d. Alexandrinerzeit) I 208 s. cum versibus illis carminis VII (quod inscribitur *Θαλύσια*) 45—48 coniungit, quibus verisimillimum est Apollonium secundum morem Callimacheum reprehendi, ac putat Theocritum carmen XIII omnino componere constituisse, ut Apollonio adversaretur Callimachi partes secutus. Quae re etiam ad carminis tempus constituendum utitur. Cf. id. I 351.

occupatur, hoc minime vituperandum esse iam supra demonstratum est. Quod Polyphemo accito incommoda fabulae geminatio exsistit, concessi: sed etiamsi quis poeta Apollonium nec noverat nec corrigere volebat, facillime rem sine Polyphemo componere poterat.¹⁾ Quod Knaackius dicit: *an sein* (sc. Polyphemi) *μελέη δὲ οἱ ἐλλετο γωνή* (1249) *erinnert deutlich das Theokriteische ἀραὶ δ' ἔξετο γωνά* (59; *von Hylas gesagt*), si eum recte intellego, putare videtur Theocritum, cum Hylae ex fonte respondentem vocem tenuem tribueret, hanc voluisse inducere pro Polyphemi clamore frustra edito: qualis haec correctio sit, nescio. Denique quod sequitur: *Fügen wir noch hinzu, dass von Hylas alles Individuelle, Vaterland, Abstammung u. s. w. abgestreift ist, so ist wohl die Bezugnahme auf die Episode bei Apollonios nicht zu verkennen*, vel eo quod supra de carminis universa indole dixi, refutatum est. Sed Theocritus etiam alias res praeter eas quas Knaackius enumeravit, aliter atque Apollonius descripsit, velut quod Hercules ter Hylam vocat, quod socii Herenlem ut perfidum reprehendunt, quod Hercules relictus tamen ad Colchos proficiscitur etc. Numquis audeat etiam his locis correctiones Apollonii agnoscere? Equidem profecto nullum vestigium video, quo cognoscatur Theocrito in carmine suo faciendo Apollonii Argonautica obversata esse. Fieri sane potuit, ut Theocritus, si Hylam in Argonauticis invenerat commemoratum, ea re induceretur, ut ipse quoque suo more carmen de Hyla scriberet, sed plane nescimus, utrum illud composuerit, antequam Apollonii Argonautica edita essent, an postea. Itaque malumus putare Theocritum argumenti ipsius suavitate commotum rem carmine celebrasse atque carmen carminis causa composuisse.²⁾

3. Nicander Colophonius

Hylae fabulam in carmine illo quod inscribitur *Ἑτεροιοῦμενα* narraverat. Quod commemorat scholiasta in Apollon. Rhod.

¹⁾ Sane quod Valerius Flaccus Polyphemum omisit, effecit ut rem melius describeret quam Apollonius.

²⁾ Apostolium VIII 34 sua omnino, Eustathium ad Dion. 805 e parte Theocrito debere infra ostendam.

I 1236 . . . καὶ Νίκανδρος ἐν τῷ δευτέρῳ τῶν Ἑτεροιοῦμένων ἐπὶ πασσὼν γρῆσιν ἀντὶν ἀρπαγῆναι νυμφῶν, ὁ δὲ Ἀπολλώνιος ἐπὶ μιᾷ. Item in schol. Theocr. XIII 46 legimus . . . συμφωνεῖ δὲ τῇ ἀρπαγῇ καὶ Ἀπολλώνιος ὁ Ῥόδιος καὶ Νίκανδρος. Antoninus Liberalis in ea quam maximam partem secundum Nicandrum conscripsit *Μεταμορφώσεων Συναγωγῇ* cap. XXVI Hylam tractavit, cui loco in margine codicis Palatini addita sunt verba *Ἰσίορεϊ Νίκανδρος ἑτεροιοῦμένων δ'*. Quae etsi non ab ipso Antonino Liberali addita sunt, tamen debentur homini docto fideque digno.¹⁾ Itaque quamquam Nicandrum ipsum non habemus, tamen ex copiosa illa epitome satis accurate discimus, quid de Hyla scripserit. Sane quo in libro *Ἑτεροιοῦμένων* Hylas fuerit, utrum in altero an in quarto, diiudicare non possumus, cum nesciamus, utri testium error tribuendus sit. Sed haec res est levissima. Narratio haec est: Hercules cum se Argonautis adiunxisset, dux ab iis creatus secum Hylam habebat, filium Ceycis,²⁾ adulescentulum pulcherrimum. Cum vero ad angustias Ponti (πρὸς τὸ στενὸν τοῦ Πόντου) venissent atque Arganthes montis (τῆς Ἀργανθέως) radices praetervecti essent, tempestate exorta coacti sunt ancoras eicere atque in itinere subsistere. Hercules sociis cenam praeiit. Hylas autem puer cum urna (ἔχων κρωσσὸν) ad Ascanium flumen venit, ut illis aquam hauriret. Quem conspicatae nymphe, fluvii illius filiae, amore incensae haurientem in fontem deiciunt (εἰς τὴν κρήνην καταβάλλονσιν). Hylas igitur evanuit (ἀφανὴς ἐγένετο), Hercules vero, cum ille non rediret, a sociis abiit totamque silvam perquisivit Hylam saepe vocans. Nymphe autem timentes, ne Hercules apud se abditum inveniret, eum in echo commutaverunt (μετέβαλον τὸν Ὑλαν καὶ ἐποίησαν ἠχώ). Atque ad Herculis vocem saepe resonavit. Ille vero cum summa contentione (πλείστα πονησάμενος³⁾) Hylam invenire non posset,

¹⁾ Cf. Hercher, Herm. XII p. 306 ss. et Erw. Rohde, d. griech. Roman p. 115.

²⁾ Locus non integer est: *παῖδα μὲν Κήρυκος ἱτυπος νέον δὲ καὶ καλόν*. Fortasse illud *ἱτυπος* mendosa tantum est antecedentis *Κήρυκος* repetitio. Cf. editionem a Georgio Aenotho Koch a. 1832 curatam p. 237 s.

³⁾ Locum emendavit (codices habent *ποιησάμενος*) Aug. Otto (de fabulis Propertianis I p. 48).

ad navem rediit et ipse quidem cum ceteris iter perrexit, Polyphemum autem in regione illa reliquit, ut Hylam, si posset, inveniret. Polyphemus quidem priusquam hoc ei contingeret, mortuus est (*ἔφηθ' ἡ τελευτήσας*). Hylae vero indigenae adhuc ad fontem sacrificant, atque eum nomine ter sacerdos vocat terque echo respondet. —

Nicander inter eos quos adhuc novimus, Graecorum scriptores primus¹⁾ Herculem ducem Argonautarum fecit. Qua cum re cohaeret, quod ille non, ut in vetere fabula — id ex Apollonii et Theocriti consensu concludere licet — propter Hylam amissum a sociis relinquitur. Nimirum ducem ceteri exspectare debebant, etiamsi diutius moraretur: fieri non potuit, ut eum vel imprudentes relinquerent vel crederent eum perfide a se abscessisse. Ad eundem rerum conexum pertinet cena ab Hercule sociis data; nam talis liberalitas ducem potissimum decet. Praeterea Hercules cum dux esset, Polyphemum poterat iubere Hylam quaerere. Vides Nicandrum alteram illam fabulam de Polyphemo aptius cum Hercule coniunxisse quam Apollonium. Sane apud Nicandrum quoque et Hercules et Polyphemus Hylam quaerunt, sed non ita, ut narrationis ipsius geminatio oriatur. Quamquam Apollonium non cum Knaackio (Herm. XVIII 30 s.) eam ob rem vituperem, quod Polyphemus, qui primo quidem Hylam cum summo studio quaesiverit, postea eum prorsus neglegere videatur. Nam quod antea silvam perquisivit, secundum Apollonium casu factum est; atque ubi Hercules ipse rem curare coepit, non mirum est, quod de Polyphemo tacetur. Ceycem Hylae patrem fuisse Nicander solus narrat; fortasse ipse rem novavit. Certe is qui hoc finxit, non male secum reputaverat aptius esse Herculem amore prosequi filium amicissimi quam hostis eumque armis captum, qui servitute potius quam amore dignus videretur. Quod Argonautae tempestate coguntur ad Mysorum regionem navem appellere, a Nicandro additum videtur, ut certa causa proferatur, qua commoti in illum potissimum

¹⁾ Omittitur a Seeligero lex. Rosch. I p. 509, qui videtur putare Dionysium Mytilenaeum etiam hoc novasse in fabulis Graecis, quoniam hunc solum testem affert. Suspicio ne Susemihlium quidem (II p. 49/50 n. 83) aliter de hac re iudicare.

locum Graeci escenderint. Ceterum quo egressi sint, ex iis quae apud Antoninum Liberalem legimus, non dilucide apparet, sive is sive ipse Nicander rem confudit. Nam *ἐπεὶ πρὸς τὸ στενὸν ἔξιστοιο τοῦ Πόντου* aliter intellegere non possum, nisi ita ut ad Bosporum fere pervenerint; itaque quae sequuntur καὶ τὰ σφυρὰ παρέπλεσαν τῆς Ἀργανθόντης non possunt verti „cum advecti essent ad Arganthum montem“, sed „cum praerecti essent.“ Sic autem ad montis illius septentrionalem partem perveniunt, non ad eam partem, ubi Cius sita est. Sed voluit sine dubio Nicander, ut ceteri, rem ad hanc partem pertinere, cum infra dicat Hylam ad Ascanium venisse, quem vidimus eundem esse atque Cium amnem. Ipse Ascanius novam difficultatem praebet. Cum enim audiamus Hylam ad hunc fluvium devenisse statimque addatur eum a nymphis eiusdem fluvii filiabus in fontem detractum esse, dubium non est quin Ascanii ipsius fons intellegendus sit. Ascanius autem ex lacu Ascanio effluit; itaque ad Ascanii fontem res pertinere non potest. Rem confusam sic puto explicari posse: Nicander apud eum scriptorem ex quo suam Hylae cognitionem hauriebat, Ascanii mentionem invenerat ad Cium urbem totamque regionem pertinentem; praeterea legerat Hylam a nymphis in fontem aliquem illius regionis detractum esse: has duas res commiscuit atque hanc coniunctionem fluvii nympharumque etiam ita demonstravit, ut eas ex illo ortas fingeret.

Venio nunc ad eam rem quam, si quicquam, a Nicandro in fabula nostra novatam esse mihi persuasum est. Certe ut apud Apollonium et Theocritum, sic in vetere fabulae conformatione Hyla a nymphis rapto res ad finem perducta erat nec quisquam exspectaverit Hylae fatum iterum mutari. At Nicander rei optime conclusae suam insuper clausulam addidit: Hylas a nymphis modo raptus echo fit. Quod apparet rei affictum esse, ut fabula iure inter *Ἐρεγοιοῦμενα* illa haberetur. Atque commutatio illa eo magis adventicia putanda est, quod cum genuina fabula haud ita bene convenit. Nam nympphae Hylam ad se detrahunt, ut eius amore fruantur: eadem statim eum ita commutent, ut se ipsae puero amato privent? Causa, qua commotae tam mire agant, affertur, quod Herculem timent. Sed non est, cur eum timeant.

Quod in fine narratiunculæ Nicandro placuit ritum Cianorum
satis accurate describere, iam expositum est.

Reliqua propediem edentur in 'Breslauer philologische Abhandlungen' vol. VII.

VITA.

Natus sum Gustavus Türk Cruciburgæ in oppido Silesiæ
d. 6. Aprilis a. 1870 patre Gustavo, matre Bertha e gente Golka,
quos adhuc vivos esse gaudeo. A. 1876 parentes in urbem, cui
nomen est Ratibor, transmigraverunt, ubi rudimentis litterarum
in ludo publico imbutus vere a. 1879 inter gymnasii discipulos
receptus sum. Vere a. 1888 Richardi Thiele auspiciis maturi-
tatis testimonium nactus Vratislaviam me contuli, ut philologicis
studiis operam darem.

Per sex annos docuerunt me viri illustrissimi Baeumker,
Leop. Cohn, Benno Erdmann, Osc. Erdmann, Fick, Förster,
Freudenthal, Hertz, Hillebrandt, Hüffer, Lipps, Marx, Ed. Meyer,
Nehring, Reitzenstein, Aug. Roszbach, Siebs, Skutsch, Stude-
mund †, Weingarten †, Wilcken, Zacher. Seminarii philologici
per duos annos sodalis fui. Praeterea exercitationibus philo-
logicis me admiserunt Cohn, Förster, A. Roszbach, Skutsch,
Zacher, archaeologicis Förster et A. Roszbach, historicis Wilcken,
philosophicis Baeumker, Freudenthal, Lipps. Quibus viris
omnibus maximam habeo gratiam, imprimis Richardo Förster,
qui studia mea nec minime ea quæ in hoc opusculo, quod phi-
losophorum ordo praemio ornavit, conficiendo collocavi, insigni
benevolentia adjuvit.

Quantum denique fructum ex societatis philologae et coti-
diano usu et exercitationibus ipsis perceperim, nunquam obliviscar.

SENTENTIAE CONTROVERSAE.

1. In Taciti dialogo de oratoribus post c. 41 lacuna statuenda non est; libelli autem compositio satis dilucida minimeque vituperanda videtur.
2. Ioanni Vahlen (ind. schol. Berol. hib. 1878/79 p. 3 s.) non concedo capite 3 dialogi Tacitei nullas ineptias contineri.
3. Pind. Ol. I 50 lectio δειναια etiam contra doctam Eduardi Luebbert (ind. schol. Bonn. aest. 1888) explicationem alterius lectionis δειμαια (= γειμαια 'offae') defendenda est.
4. Pind. Ol. I 60 μετὰ τριῶν τέτατον πόρον recte ita intellegitur, ut Tantali poena tribus aliorum poenis aeternis addatur.
5. Pind. Nem. IV 93 ἀνέον non est Euphanes, ut vult Dissenius, sed in univrsum 'is qui laudat'.
6. Senec. ep. mor. I 9, 6 Pincianum recte emendavisse censeo *habes autem non tantum usu amicitiae veteris et certae magnam voluptatem, sed etiam initio et comparatione novae* (codd. *initium et comparationem*).
7. Senec. ep. II 3, 7 lego modo *vehementius fac vicinis concivium modo lenius* (codd. *lenius*).
8. Senec. ep. II 9, 5 emendaverim *pauca ingenia caput exserent nec* (codd. *et*) *in idem quandoque silentium abitura oblivioni resistent ac se diu vindicabunt*.
9. Dracontii carm. IV 30 legendum censeo . . . *nec mi arcus* (codd. *maurus*) *ad illum*.
10. Formae θεῖναι, εἶναι, δοῖναι ad similitudinem participiorum θεῖς, εἶς, δοῖς fictae videntur.
11. Adolphus Schmidt in libro de aetate Periclea conscripto auctoritatem Stesimbroti Thasii nimium exaggeravit.
12. Henricus Brunn in libro qui inscribitur *Griechische Götterideale*, Apollinem qui dicitur Giustiniani vel Pourtalès, pulchrius quam verius explicavit.